

佛说随勇尊者经 1 卷

No. 505

佛说随勇尊者经

西天译经三藏朝奉大夫试光禄卿传法大师赐紫沙门臣施护等奉 诏译

如是我闻：

一时，佛在王舍城迦兰陀竹林精舍，与苾刍众俱。

时有尊者名曰随勇，在王舍城侧尸陀林间，蛇聚孤峯之上大僧坊中，而独经行。忽为毒蛇之所噬蠹，蛇之身形瘦细精光、猛恶可畏，如安惹那舍罗迦。实时，随勇尊者呼苾刍众谓言：「诸尊者！我为毒蛇之所噬蠹，肤体溃坏，今宜置我于僧坊外，无令延毒而复流散。」

是时，尊者舍利子去随勇尊者所止不远，在一树下坐，闻彼随勇发如是言，闻已实时往诣其所，到已谓言：「尊者随勇！我向观汝面及诸根，本无异相，何故今时乃发是声？」

随勇答言：「尊者！我为毒蛇之所噬蠹，肤体溃坏，今宜置我于僧坊外，无令延毒而复流散。」

「尊者舍利子！若我取着，眼是我眼是我所；耳鼻舌身意是我，意是我所；色是我，色是我所；声香味触法是我，法是我所；地界是我，地界是我所；水火风空识界是我，识界是我所；色蕴是我，色蕴是我所；受想行识蕴是我，识蕴是我所；我若取着如是等法，面及诸根可有异相。」

「尊者舍利子！我不如是取着诸法，谓眼是我，眼是我所；乃至识蕴是我，识蕴是我所；今此何故面及诸根有是异相？」

舍利子言：「尊者随勇！若我、我所见及我慢等断取着已，复能了知所断根本永断无余，如破多罗树心不复更生，证无生法者，彼复何有异相可得？」

时尊者舍利子，以尊者随勇置僧坊外，僵仆于地。

尔时尊者舍利子，即说伽陀曰：

「智者善行于梵行，	复常善修正道因，
临舍寿时喜心生，	如重病人得轻差。
智者善行于梵行，	复常善修正道因，
临舍寿时喜心生，	犹如弃置恶毒器。
智者善行于梵行，	复常善修正道因，
能颖脱于舍报时，	如人出离于火宅。
智行梵行修正道，	悉观世间如草木，
都无义利无所成，	毕竟一切无系着。」

尔时，尊者舍利子为随勇尊者安置事已，往诣佛所，到已头面礼世尊足，具陈上事。

佛言：「舍利子！彼随勇善男子，若于尔时得闻我说胜妙伽陀及大明章句，彼定不为毒蛇所蠹，溃坏其身。」

舍利子白佛言：「世尊！何等胜妙伽陀？何等大明章句？愿为我说。」

尔时，世尊即说伽陀曰：

「持国天王我行慈，	爱啰嚩尾龙亦然，
阿说多哩剑末罗，	悉体埵子悉慈爱。
广目天王我行慈，	黑瞿昙龙慈亦然，
难陀乌波难陀龙，	彼二行慈亦如是。
我于无足行慈爱，	二足四足亦复然，
及彼多足诸有情，	等行慈心悉无异。
一切龙等行慈爱，	彼龙栖止大海中，
于诸有情普慈心，	若情若器皆如是。
所有一切有情类，	乃至蜻飞及蠕动，
普愿销除烦恼因，	一切获得安隐乐；
所有一切有情类，	乃至蜻飞及蠕动，

普以贤善平等观，
蛇之为毒极猛炽，
而彼蛇窟山峯中，
我为无上世间师，
以我真实语业因，
所有贪瞋及痴法，
世尊大觉毒不侵，
所有贪瞋及痴法，
世尊正法毒不侵，
所有贪瞋及痴法，
世尊净众毒不侵，
世间所有诸毒中，
唯佛能破能摄持，
一切蠲除诸罪恶。
其毒能坏人身命，
我常处之而游上。
我常宣说真实语，
我身蛇毒不能入。
此三世间为大毒，
佛真实力能破毒，
此三世间为大毒，
法真实力能破毒；
此三世间为大毒，
僧真实力能破毒，
而彼贪毒最为上，
由斯诸毒皆息灭。」

尔时，世尊说大明曰：

「怛[宁*也](切身)佗(一句) 唵(引)冻蜜里(引)(二) 冻蜜里(引)(三) 冻弥(引)(四) 钵啰(二合)冻弥(引)(五) 那致(引)(六) 苏那致(引)(七) 计(引)嚩致(引)(八) 母那曳(引)(九) 萨三摩曳(引)(十) 难帝(引)(十一) 难底里(引)(十二) 泥(引)里(引)(十三) 泥(引)罗计(引)尸(引)(十四) 嚩(引)里(引)(十五) 嚩(引)罗计(引)尸(引)(十六) 嘞里(引)(十七) 泥羊(二合)虞(引)里(引)莎(引)贺(引)(十八)」

佛言：「舍利子！彼随勇善男子！若于尔时得闻我说如是伽陀及大明章句，彼定不为蛇毒所蠹溃坏其身。」

舍利子白佛言：「世尊！如佛今说胜妙伽陀及此大明章句，彼随勇苾刍蛇所蠹时，离于佛所，如是妙法其云何得？」

尔时，尊者舍利子说是语已，头面着地礼世尊足，出于佛会。

佛说随勇尊者经

【经文信息】大正藏第 14 册 No. 0505 佛说随勇尊者经

【版本记录】CBETA 电子佛典 Rev. 1.11 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供，Jasmine 提供新式标点

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
